

Nus dastgain crair

Gion ponderescha:

Igl è la damaun marvegl. Gion sa dasda. Il sulegl cuchegia tras la fanestra. In bel e chaud di s'annunzia. Gion sa stenda duas, trais giadas e sesa alura sin l'ur dal letg. Avant ch'el trai en ses vestgì, ura el sco mintga damaun l'emprim: "Bun Bab en tschiel, jau engraziel Tai che jau dastg levar oz sauns....." Qua tascha Gion tuttenina. Patratgs curius al van tras il chau. "Ha Dieu propi pertgirà mai questa notg? Ha el propi adina quità da nus, sco quai ch'igl augsegner di adina? Hai anc in senn d'urar? Auda Dieu mai?"

Talas dumondas occupeschan Gion. El na finescha betg l'uraziun da la damaun. Spert sa trai el en, mangia l'ensolver e va a scola. Mo sin il viadi vers scola mudregian quellas dumondas anc adina el: "Tgi è Dieu atgnamain? Co è el? Co sent jau ch'i dat in Dieu?"

Gion di: "Sur da quellas dumondas vi jau discurrer cun insatgi. Forsa po in cudesch gidar mai vinavant". Mo qua al vegn endament ch'el ha oz in'ura da religiun. El prenda avant da far quellas dumondas a sia scolasta da religiun.

Ponderescha:

- Han talas dumondas sco tar Gion era gia fatschentà tai?
- Qualas dumondas sur da Dieu occupeschan tai il pli fitg?

Jau sun cun vus

Tgi è Dieu?

Co è Dieu?


Co sai jau sentir e chattar el?

Dapi millennis fan ils carstgauns talas dumondas.

Nus cristians cartain che Dieus è sa manifestà en l'istorgia dal pievel d'Israel e surtut en Cristus da Nazaret che nus numnain il Cristus. Per ils Israelits èsi stà ina lunga via, avant ch'els han enconuschì che Jahve vuleva esser lur Dieu ch'era adina cun els e aveva quità dad els.

Il num ebraic "Jahve" vul dir: Jau sun quel che jau sun. Dieu era adina cun ses pievel. El è era oz adina cun nus. Quai ans mussa il Nov Testament il pli bain tras Jesus da Nazaret.

Nus ans pudain fidar che nus avain in Dieu ch' è cun nus e che na banduna mai nus.



Dieu è
per mai
sco....

Uraziun

Engrazia, bun Dieu, che jau enconusch Tai.

Ti ma das curaschi e forza da crair.

O lascha sentir mai pli e pli,

che Ti es grond e plain amur.

Scriva sez in'uraziun:


Crair vul dir: _____



Dissegna in uman che ura cun mauns auzads ed averts:

Quest uffant:

El è avert per:



Tar l'introducziun per l'uraziun eucaristica ans envida il spiritual d'ans avrir per Dieu. Cun tge plets?

Il spiritual di: _____

Crair vul dir: _____

Jesus di:

“Jeu sun la vit, vus essas las frastgas.

Quel che resta en mei ed en quel che


jeu restel, lez porta bia fretg, pertgei

separai da mei saveis vus far nuot.

Quel che resta buc en mei, ei sco la


frastga che vegn allontanada e secca.”


Gn 15,5 e 6



Ponderai tge che Jesus vul dir a nus cun quella sumeglia e nudai!

Son Paul viveva la vita cun Dieu sin moda mirvegliusa. Quai ans vesain ord ils plects ch'el ha scrit en sia brev als Galats (Gal 2,20)





Guarda las duas plantas e tschertga peds che correspundan cun ellas.
Scriva ella tabella:


Crair vul dir: _____

In um giuven sesa cun ses cumpogns en l'ustaria davos la maisa radunda. Els discurren da l'aura, da la politica, da disgrazias e delicts dals davos dis.... Plaunet vegn la discussiun sin il tema "Dieu" e "cardientscha". Il giuven sa stganda pulit e di: "Dieu – Jesus – perpetnada - , tut quai na ma di nagut. Sco uffant hai jau bain emprendì dad urar, mes geniturs han era tramess mai en baselgia, jau sun ì a ductrina, - per mai è quai tut stà adumbatten. Dieu na m' ha mai gidà en mia vita. Che jau hai success e ch'i va bain cun mai uss, hai jau d'engraziar sulettamain a mes lavurar e stentar. Sch' i dat insumma in Dieu, na sai jau betg. Jau crai mo quai che jau ves. Sa tegnair vi da Dieu n'ha per mai nagina valita."

Tge schessas vus a quel giuven?

La punt tranter quel um giuven e Dieu è crudada ensemen. Tge "crappa" duvrassi per refar la punt, q.v.d. Tge duvrassi per ch'il giuven chattass puspè la via tar Dieu?

Reconstruescha la punt cun la "crappa" che ti chattas!



Crair vul dir: _____

Legia Mt 14,22 – 33 Jesus viandescha sin la mar

Nus cristians cartain che Dieu dettia a nossa vita tegn e sustegn. Quella cardientscha ans gida en difficultads, fastidis e misergias.

Era in carstgaun cartent ha mintgatant dubis:

È Dieu vairamain adina cun mai?

Poss jau ma fidar dad el?

Tals dubis ans duain animar d'ans dar adina dapli fadia per la cardientscha.

